

" মিষ্টি বাচ্চারা - তোমরা বাবার কাছে এসেছ নিজদের জীবন হীরে সমান বানাতে , বাবার স্মরণেই এইরকম জীবন তৈরি হতে পারে "

প্রশ্নঃ নতুন দুনিয়ায় উঁচু পদ পাওয়ার জন্য বিশেষ কোন্ পুরুষার্থ করতে হবে ?

উত্তরঃ বাবা বলেন - মিষ্টি বাচ্চারা , যে পুরানো সম্পর্কগুলো এত দুঃখ দিয়েছে , এখন তাদের মোহজাল থেকে বুদ্ধি সরিয়ে এক আমাকে স্মরণ করো । ওদের সাথে থেকেও মন আমাতে দাও । 'মনমনাভব'- এই মন্ত্র সর্বদা মনে রাখলে তোমরা নতুন দুনিয়ায় উঁচু পদ পাবে ।

গীত :- তুমি রাতগুলি করেছ ব্যর্থ ....

ওম্ শান্তি । বাচ্চাদের যেমন সব শাস্ত্রের সার বোঝানো হয় ঠিক তেমনই গীতেরও সার বোঝানো হয় । তিনি , সবার রুহানি বাবা , রুহানি বাচ্চাদের ব্রহ্মা তনে বসে বুদ্ধিয়ে দিচ্ছেন । বাবা বুদ্ধিয়ে দেন বাচ্চাদের যে তোমাদের এখন হীরে তুল্য জন্মের প্রস্তুতি চলছে । বাবার কাছে তোমরা এসেছই হীরে সমান জন্ম পাওয়ার জন্য । স্বর্গবাসীর জন্ম হলো হীরে তুল্য আর কড়ি তুল্য জন্ম হলো নরকবাসীর । তোমরা সঙ্গমযুগকে জেনেছ , আমরা এখন সবাই সঙ্গমযুগবাসী । কল্যাণকারী এই সঙ্গমযুগে সবার সদগতি প্রাপ্ত হয় । এখন প্রশ্ন হলো এই সদগতি কে দেন ? পরমধাম থেকে পরম অতিথি এসে সদগতি করেন । উঁনি অতিথি । তোমরা অতিথি নও , তোমরা এসে আর যেতে চাও না! বাবা বলেন - আমি পুরনো দুনিয়ায় এসে আবার ফিরে যাই । বাচ্চারা জানে এই সেবা একমাত্র পরমধাম থেকে আসা অতিথিই করেন । যিনি এসে আমাদের-বাচ্চাদের অনেক সেবা করেন । এইরকম সেবা আর কেউ করতে পারেনা । সেবা করার জন্য তাঁকে ডাকা হয় , বলা হয় এসে আমাদের পতিতদের পবিত্র করে গড়ে তোল । বাবাও বলেন " আমি বাচ্চাদের সেবায় এসেছি কেননা বাচ্চারা খুব দুঃখী হয়ে আছে । " বাচ্চারা ডেকে বলে আমাদের দুঃখ হরণ করে সুখ প্রদান করো । দুটো জিনিস সবসময় মনে থাকে - এক হলো সুখ আর এক হলো শান্তি । এই পুরনো দুনিয়ায় দুঃখ আর অশান্তি ছেড়ে থাকায় তাঁকে ডাকা হয় । বাবা এসে সৃষ্টি চক্রের সকল রহস্য বুদ্ধিয়ে দেন এবং বাচ্চাদের বোধগম্য হয় ভক্তি মার্গের পথ শেষ হয়েছে । কলিযুগের অন্ত অর্থাৎ ভক্তি মার্গ সম্পূর্ণ হয়ে শেষ ধাপে চলে এসেছে । জ্ঞানের দ্বারা চড়তি কলার স্থিতি এসে যায় । তোমাদের উঁচু থেকেও উঁচু পদের প্রাপ্তি হলে তারপরে ভোগের দ্বারা ধীরে ধীরে প্রারব্ধ-এর ( পূর্ব জন্মার্জিত কর্মফল ) ক্ষয় অর্থাৎ সুখ কমতে থাকে । ভারতে ভক্তির যত জাঁকজমক এরকম আর কোথাও হয়না । অর্ধকল্প ভক্তিমার্গে কেটে যায় । যখন থেকে দ্বাপর এবং অন্যান্য ধর্ম স্থাপন শুরু হয় তখন থেকেই ভক্তির শুরু হয় । ভক্তিও প্রথম দিকে খুব ভালো ছিল । যেমন স্বর্গ প্রথম -প্রথম খুব ভালো হয় পরে কলা ধীরে ধীরে কমে আসতে থাকে । ভক্তির শুরুতে প্রথম -প্রথম শিবের পূজারী হয় । অর্ধ কল্প কোনও পূজা হয়না । তারপরে ভক্তিমার্গ শুরু হয় আর সেই সঙ্গে অন্য ধর্মেরও আসা শুরু হয়ে যায় । এত ভক্তি আর কেউ করতে পারেনা , পুরো অর্ধ কল্প ভক্তিকে অবলম্বন করে চলে । এটাও তোমরা বাচ্চারা জানো বাবা , যিনি সবার অত্যন্ত প্রিয় ভারতের সদগতি প্রদান করেন এবং স্বর্গেরও মালিক

বানান । তিনি , দূরদেশের অতিথি এসেছেন আবার নতুন করে আমাদের বাচ্চাদের বাদশাহী দিতে । কত জবরদস্ত এই রাজত্বের অধিকার । কিন্তু কেউ এই একটা কথা বুঝতে পারেনা । ভারতে ভক্তি কত করা হয় , কত মন্দিরও আছে । ভারতখন্ডে অনেক যে মন্দির আছে সেইগুলো কার মন্দির এসব কিছু এখন তোমরা জেনেছ । শুরু -শুরুতে শিববাবার মন্দির তৈরি হয় , তারপরে তৈরি হয় দেবতাদের । সেই মন্দির তোমাদের সামনে বর্তমান । একদিকে শিববাবার পূজা করে চলেছ আর অন্যদিকে শিববাবা তোমাদের পূজ্যরূপে গড়ে তুলছেন । তোমরা এখানে এসেছ পূজ্য দেবতা হতে । যারা দেবতাদের পূজারী , বাস্তবে তারাও এখানে এসে ব্রাহ্মণ হবে । ধীরে ধীরে বুদ্ধির বিকাশ ঘটবে সবাই একসাথে পড়তে পারেনা , সময় লাগে । কল্প পূর্বে যারা পড়েছিল তারাই আবারও পড়বে । একে অপরকে পড়াতে হবে । সবাইকে বাবা আর সৃষ্টির আদি -মধ্য -অন্তের জ্ঞান শোনাতে হবে যাতে মানুষ স্বর্গের মালিক হতে পারে । সেইজন্য এসে শুনে বোঝ । তোমরা বাচ্চারা বুদ্ধি দিয়ে বুঝতে পার এই নাটকের চক্র কিভাবে পরিক্রমণ করে । কাহিনী তো লাখ লাখ বছরের বলে শোনাতে পারবে না তোমরা জানো পাঁচ হাজার বছরের আগে কি ছিল , কার রাজ্য ছিল ! ভারতে আমরা যে দেবী - দেবতা ছিলাম , আমাদেরই ( দেবী -দেবতাদের ) রাজ্য ছিল । স্মরণে এসেছে তো - আমরাই পূজ্য ছিলাম আবার পূজারী হয়েছি । প্রথমে এইসব জানা ছিল না আমরা সেই পূজ্য দেবতা ছিলাম , পরে আবার ৮৪ জন্ম নিয়েছি । ৮৪ জন্মের কাহিনী লক্ষ্মী -নারায়ণের । তোমরা নিজের ৮৪ জন্মের কাহিনী শোনাও । ওদের তো নিজের কাহিনী লিখতে অনেক সময় লেগে যায় । তোমরা এক মিনিটে ৮৪ জন্মের কাহিনী বলতে পারবে । ওরা এক জন্মের কাহিনী লেখে । নিজের কাহিনীতে শৈশবে কি কি করেছে সেগুলো বলে । আমরা ৮৪ জন্মের চক্র কিভাবে পরিক্রমা করি , সেখানে তো কোনও একজনের কথা নয় , বহু ব্রাহ্মণ একইভাবে ৮৪ জন্মের চক্র সম্পূর্ণ করে । তোমরাই এই চক্রে জান । এই চক্রে জানার মাধ্যমে তোমরা রাজা -রানী হতে পার আবার অন্যদেরও বানাতে পার । ভক্তিও ভারতবাসীদের মতো কেউ করেনা । আর যা -ও মঠ , পন্থ , ধর্ম ইত্যাদি আছে সেসবই আমাদের ভক্তির সময় স্থাপন হয়েছে । প্রথম -প্রথম আমাদের ফুলের ঝাড় কত ছোট ছিল , একেবারে রুহানি বাগিচা ! তোমাদের মতো জ্ঞানসম্পন্ন ফুলে সাজানো ছিল বাগান । তারপরে এই সুন্দর ফুলের বাগান আস্তে আস্তে কাঁটার বাগিচায় পরিণত হতে থাকে । এই সময় সব কাঁটায় পরিণত , আবার কাঁটা থেকে ফুল কিভাবে তৈরি হওয়া যাবে বাবা বসে তা বুঝিয়ে দেন । একে অপরকে দুঃখ দেওয়া মানেই হলো কাঁটা লাগানো । স্টুডেন্ট লাইফ ইস দি বেস্ট বলা হয়ে থাকে , সত্যিই খুব ভালো হয় । বাচ্চারা খুব আনন্দের সাথে পড়ে । বিবাহ হল তো আরও দু -একজন একে অপরকে কাঁটা লাগানো শুরু করে । সত্যযুগে কেউ কাউকে কাঁটা লাগায় না । তোমরা এখন আবার ফুল তৈরি হচ্ছে । তোমরা জানো , ভারত যখন স্বর্গ ছিল তখন কত অপার সুখ ছিল । সোনার খনি ছিল যা এখন খালি হয়ে গেছে । আবার তোমরা সোনায়ে ভরা খনি পাবে । ভারতেই সোনা,হীরে,জহরতের খনি ছিল । সেই সময় আমেরিকা ইত্যাদি কিছুই থাকেনা , বস্ত্রও না । কত আশ্চর্যের ব্যপার তাই না ! কলিযুগের শেষে দেখার মতও অল্প সোনা অবশিষ্ট থাকেনা । সত্যযুগে আবার সোনার খনি ভরপুর হয়ে যায় । সোনার মহল তৈরি হয় । কত আশ্চর্য লাগে ! ওখানে খনি থেকে কত সোনা বেরোয় । যেমন এখানে মাটির ইঁট তৈরি হয় ওখানে সোনার ইঁট তৈরি হয় , মায়া মাদারি খেলা (ভোজবাজি) দেখাতে শুরু করে । ধ্যানে বসে দেখা এখানে তো সোনাই সোনা । সত্যি সত্যিই সত্যযুগে সোনার ছড়াছড়ি থাকবে । এখানে তো দেখ মাটির ইঁটও পাওয়া যায় না । যত ইঁট এখানে পয়সার বিনিময়ে পাওয়া যায় , ততখানি ইঁট ওখানে বিনামূল্যে পাওয়া যায় । রাত দিনের ফারাক হয়ে যায় । তবে বুঝতে তো হবে পুরুষার্থ করতে হবে কি হবেনা - নতুন দুনিয়ায়

উঁচু পদ পাওয়ার জন্যে ! এখানের মোহজালে কেন আটকা পড়ে আছ ! বাবা বলেন - তোমরা পুরনো সম্বন্ধে থেকে শত দুঃখ পেলেও বাবা এরকম কখনও বলেননা যে তোমরা এদেরকে ছেড়ে দাও । শুধুমাত্র বুদ্ধিযোগ এক বাবার সাথে জুড়ে নাও তবে তোমরা বিশ্বের মালিক হতে পারবে । 'মনমনাভব' -এর অর্থই হলো আমাকে স্মরণ করো আর বিষ্ণু চতুর্ভুজের অর্থাৎ বিষ্ণুপুরীর স্মরণ করো । মূল কথা হলো এক অক্ষরের , বাবা । ভক্তিমার্গে পঞ্চায়েত অনেক আছে ।\*( এখন তোমরা সব আত্মারা সাজন , একমাত্র সজনী পরমপিতা পরমাত্মার ।)\* উঁনি তোমাদের সুখধামের মালিক হওয়ার অধিকার প্রদান করেন । সকল আত্মা তাঁকেই স্মরণ করে । তোমরা রুহানি আশিক , রুহানি মাশুকের সাথে একই বার মিলিত হতে পার । বাকি সব মানুষ শারীরিক ভাবে প্রেমিক-প্রেমিকা । এখন বেহদের আশিকদের সাথে বেহদের মাশুক এসে মিলিত হয়েছেন । ওঁনাকে বলাও হয় - এসো , এসে আমাদের পতিত থেকে পবিত্র করে তোল । এক -এরই আহ্বান হয় । তোমরা জানো যে আমাদের আত্মা পতিত হয়েছে সেইজন্য সকলে ডাকছে পতিতপাবন এস । কুস্ত্র মেলায় গিয়ে কত জনে যে গঙ্গা স্নান করে কিন্তু কোনও লাভ নেই । কেউই এভাবে পবিত্র হয়না । বাবা এসে জ্ঞান বর্ষণ করেন । তোমাদের জ্ঞান বর্ষায় অবগাহন করিয়ে বাবা আবার নতুন করে কঁটার জঙ্গলকে ফুলের বাগিচায় সাজিয়ে তুলবেন । তোমরা জেনেছ বিশ্বের রাজ্যভার বাবা যখন তোমাদের হাতে তুলে দেবেন তখন সেখানে কোনও অপবিত্র কিছুই থাকবেনা । সারা বিশ্ব জ্ঞান বর্ষণে সিক্ত হয়ে যায় । সবকিছু তখন পরিপূর্ণতায় ভরে যায় । হীরে জহরতের খনিগুলোও নতুন ভাবে সেজে ওঠে । তোমাদের-বাচ্চাদের এখন কতই-না খুশির মেজাজ ! তোমরা সামনে দেখতে পাচ্ছ বাবা সম্মুখে বসে বোঝাচ্ছেন - " তোমরা আমাকে স্মরণ কর তবে তোমাদের বিকর্ম বিনাশ হবে ।" তোমরা যে কোন স্থানে বস - স্নান কর , বুদ্ধিতে সবসময় বাবা স্মরণে থাকবেন । ওখানে তো স্মরণের কোনও অবকাশ নেই । বাবাকে যত স্মরণ করবে ততই উপার্জন হবে অর্থাৎ শ্রেষ্ঠত্বের আসনে বসার উপযুক্ত হবে । স্মরণেই প্রাপ্তি । এরকম কী শুনেছ স্মরণ করায় প্রাপ্তি আছে ! কত বড় প্রাপ্তি , তোমরা বিষ্ণুপুরীর মালিক হতে চলেছ । তোমরা জেনেছ আমাদের-আত্মাদের বাবা নিরাকার । উঁনি এই শরীরের (ব্রহ্মা তনের) আধার নিয়েছেন । ভাগীরথেরও তো বর্ণনা তোমরা শুনেছ । ভাগ্যশালী রথ, যে রথে পরমপিতা পরমাত্মা সওয়ার হয়ে আসেন । আত্মার রথ যখন সম্পূর্ণরূপে প্রস্তুত হয় ঠিক তখনই আত্মা এসে প্রবেশ করে । বাবাকে এই রথে এসে কেবল জ্ঞান প্রদান করতে হয় । এনারও বহু জন্মের অস্তিমের জন্মে যখন বাণপ্রস্থ অবস্থা হয় তখন বাবা বলেন - আমি এসে এনার মধ্যে প্রবেশ করি অথবা এই রথে বিরাজমান হই । অন্য কোনও গাড়ী বা রথের কথা নয় । তোমরা এখন এই জ্ঞান পেয়েছ । বাবা তোমাদের সম্মুখে বসে এই জ্ঞানের কথা বুঝিয়ে দিচ্ছেন । তোমাদের শুধুই খুশি থাকা উচিত । আই . সি . এস পরীক্ষার পড়ায় অনেক নেশা চাই । সেটা সবচেয়ে বড় পরীক্ষা । তোমাদেরও এসব পাঠের পড়া । এখানে ভগবানের পাঠশালা । এখন প্রশ্ন ওঠে ভগবান কে ? শ্রীকৃষ্ণ অথবা শিববাবা ? সবার ভগবান কে ? এক নিরাকার ছাড়া সকলে তো কৃষ্ণকে মানবে না । সকল আত্মার বাবা তিনি , নিরাকার পরমপিতা পরমাত্মা । তিনি সর্বদা পরমধামে থাকেন । একবার -ই আসেন - বাচ্চাদের স্বর্গের মালিক বানাতে । ভারত এখন ভিত্তারী হয়ে গেছে । এরপর অন্য জন্মে কি হবে , তোমাদের সব সাক্ষাত্কার হয়েছে , বিনাশেরও সাক্ষাত্কার হয়েছে । এমনকি স্থাপনারও হয়েছে । ভগবান উবাচঃ " আমি তোমাদের রাজারও রাজা বানাই । " অনেক দান -পুণ্য করলে কারও কারও স্বল্পকালের জন্যে সুখ মেলে । রাজার ঘরে জন্ম নিয়েও সাথে সাথে মারা যায় আবার কেউ কেউ গর্ভেই মারা যায় । কেউ কাটা হাত -পায়ে আবার কেউ কানাও হয় । যেরকম কর্ম করে তেমনই পদ পায় । তোমাদের এখন রাজারও রাজা বানানো হয় । তোমরা বলো - বাবা আমরা আত্ম-

নিবেদন করব। তবে তো অবশ্যই রাজস্ব তোমরা পাবে। ভারতকে মহাদানী খণ্ড বলা হয়। এখানে দান -পুণ্য অনেক হয়। তারপর আবার শুরু হয় ভক্তি মার্গে। এখন বাবা তোমাদের ২১ জন্মের জন্যে দান দেন। তোমরা এখন তন, মন, ধন সবকিছু দিয়ে বাবার কাছে আত্ম -নিবেদন করছ। আর বাবা বলছেন ট্রাস্টি হয়ে থাকতে। নিজের ঘর -সংসার সামলাতে। সবই শিববাবার। আমি তোমাদের এবং তোমাদেরই স্মরণ করি। আন্তরিকভাবে তোমাদের কাছে সমর্পণ করি। বাবা বলেন - যতই মহলে থাক, ঘোরো -ফেরো, আনন্দ-মজা করো, শুধুমাত্র আমাকে স্মরণ করো, তবে তোমরা খুশিতে থাকবে। তোমরা বিশ্বের মালিক ছিলে। এখন পুরুষার্থ করে তোমরা আবার বিশ্বের মালিক হতে চলেছ। বাবা বোঝান - মিষ্টি-মিষ্টি বাচ্চারা এই যোগ বলের দ্বারাই তোমরা বিকর্মজিত হয়ে যাবে। বাবাকে স্মরণ করেই তোমরা বিশ্বের মালিক হতে পার। আত্ম - মিষ্টি -মিষ্টি হারানিধি (সিকিলধে) বাচ্চাদের প্রতি মাতা -পিতা, বাপদাদার স্মরণ -স্নেহ আর সুপ্রভাত। রুহানি বাবার(পরমাত্মা পরমপিতা) রুহানি বাচ্চাদের (আত্মাদের) নমস্কার।

ধারণার জন্য মুখ্য সার :-

১) রাজকীয় পদ পেতে গেলে সম্পূর্ণরূপে বাবার কাছে আত্ম-সমর্পণ করতে হবে। তন -মন -ধন সব সমর্পণ করে ট্রাস্টি হয়ে থাকতে হবে। বিকর্মজিত হওয়ার পুরুষার্থ করতে হবে।

২) স্মরণেই পাওয়া যাবে শ্রেষ্ঠত্বের আসন, এইজন্য নিরন্তর স্মরণে থাকার পুরুষার্থ করতে হবে। এমন রুহানি ফুল হতে হবে যাতে ফুলের দুনিয়ার অধিকারী হতে পারবে। অন্তর্মনে কোনও কাঁটা না থাকে।

বরদান :- অলৌকিক খেলা এবং খেলনা দিয়ে খেলতে খেলতে সদা শক্তিশালী হওয়ার অধিকারী অচল -অটল ভব (হও) !

অলৌকিক জীবনে মায়ার বিঘ্ন আসাও অলৌকিক খেলা, যেমন শারীরিক শক্তি প্রদর্শনের খেলার আয়োজন করা হয় ঠিক তেমনই অলৌকিক যুগে পরিস্থিতিতে খেলনা ভেবে এই খেলা খেলো। এতে ভয় পোয়ো না বা ঘাবড়ে যেও না। সমস্ত সংকল্পের সাথে নিজেকে বাপদাদার কাছে পুরোপুরি সমর্পণ করে দাও তবে মায়ী কখনও আঘাত করতে পারবে না। রোজ অমৃতবেলায় সাক্ষী হয়ে নিজের সর্বশক্তির দ্বারা শৃঙ্গার করলে অচল -অটল থাকবে।

স্লোগান :- কোনো প্রকারের সংসার -সমাচার শোনা বা শোনানো উভয়ই নিজের মধ্যে আবর্জনা জমানোর সামিল।